



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ ՆԱԽԱՐԱՐ
Ռ. ՊԵՏՐՈՍՅԱՆ

« 26 » 11 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 02 15 - 21

Ձեռնարկողը՝

«Արմ կոնստրակտ» ՍՊԸ

ՀՀ. ք. Երևան, Հյ. Պողոսյա 5, բն2

Գործունեությունը՝ Դավիթ Բեկ 290 հասցեում նախատեսվող
բազմաբնակարան բնակելի շենքի կառուցման շրջակա
միջավայրի վրա ազդեցության նախնական
գնահատման հայտ

ՀՀ. ք. Երևան, Նոր-Նորքի վարչական շրջան

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող



Խ. Մարտիրոսյան

Առդիր՝ 5 թերթ

բակից: Յուրաքանչյուր հարկում նախատեսվում է կառուցել մեկ ննջարանով, երկու ննջարանով ու երեք ննջարանով բնակարաններ: Տանիքը նախատեսվում է իրականացնել հարթ: Նախատեսվում է վերելակի մեքենայական սենք:

Համաձայն ՀՀՇՆ IV-11.07.01-2006 շինարարական նորմերի, հաշմանդամ և բնակչության սակավաշարժ խմբերի ազատ տեղաշարժման համար նախատեսվել են համապատասխան միջոցառումներ, այդ թվում՝ մուտքերի մոտ թեքահարթակներ:

Կառուցապատման ցուցանիշներն են. հողի ընդհանուր մակերես՝ 3800քմ, կանաչապատման մակերես՝ 1520 քմ, կառուցապատման մակերես՝ 2280 քմ, բնակարանների քանակ՝ 274 հատ, ստորգետնյա և վերգետնյա ավտոկայանատեղիների քանակ՝ 192:

Տարածքի թեք ռելիեֆով պայմանավորված, մոտեցումը դեպի ավտոկայանատեղիներ նպատակահարմար է իրականացնել երկու մուտք-ելքով: Մի մուտք-ելքը նախատեսված է իրականացնել Դավիթ Բեկ փողոցից, իսկ մյուսը՝ Միկոյան փողոցից:

Բազմաբնակարան բնակելի շենքերի երկհարկանի ստորգետնյա ավտոկայանատեղիների տարածքներն արտակարգ իրավիճակների պայմաններում օգտագործվելու են որպես ապաստարաններ:

Շենքի բնակելի մասի խոհանոցների, սանհանգույցների և լոգասենյակների օդափոխությունը նախատեսված է առանձին-առանձին, մինչև տանիք բարձրացող օդատարների միջոցով դեպի բնական հորաններ: Օդատարները նախատեսված են կլոր կտրվածքով ցինկապատ պողպատից:

Ավտոկայանատեղիում նախատեսված են մեխանիկական դրդմամբ ներածման և արտածման օդափոխության համակարգեր: Ներածման և արտածման համակարգերի սարքավորումները տեղադրված են հարկերի առաստաղների տակ: Ներածումն ու արտածումը կատարվում է կարգավորվող ճաղավանդակների միջոցով: Ավտոկայանատեղիների օդի արտածումը կատարվում է ներքևի և վերևի գոտիներից հավասարաչափ: Ավտոկայանատեղիների օդափոխության ներածման համակարգերում օդի տաքացումն էլեկտրական է: Շենքի բնակելի մասից և ավտոկայանատեղիներից նախատեսված է ծխահեռացման համակարգ: Վերելակների հորաններում և աստիճանավանդակների նախասրահներում նախատեսված են դիմհարման համակարգեր: Հակահրդեհային համակարգերի գործարկումը կատարվում է հրդեհային ազդասարքից և հեռակառավարման վահանակից: Ավտոկայանատեղերի առաջնային հրդեհաշիջման համակարգը նախատեսված է իրականացնել փոշեհատիկային մոդուլներով: Կիրառվող մոդուլների կազմում առկա է ինքնաշխատ թողարկիչ, որը գործարկվում է 63°C ջերմաստիճանի մոդուլի տիրույթում:

Բազմաբնակարան բնակելի շենքի կառուցման հողային աշխատանքների իրականացման ժամանակ կատարվելու է մոտ 24000մ³ ընդհանուր ծավալով հողային զանգվածի հանույթ, որից 19200մ³ ծավալով հողային զանգվածը կտեղափոխվի Երևանի քաղաքապետարանի կողմից օրենքով սահմանված կարգով հատկացված վայր, մնացած մասը՝ կարճաժամկետ կապիվի շինարարական հրապարակում և կօգտագործվի որպես հետլիցք: Շինարարական աշխատանքների իրականացման տարածքում հողաբուսաշերտը բացակայում է:

Շինարարական աշխատանքների տևողությունը նախատեսվում է 36 ամիս:

Շինարարության համար անհրաժեշտ շինանյութերը շինհրապարակ կտեղափոխվեն հետևյալ կարգով:





Բազմաբնակարան բնակելի շենքի շինարարական աշխատանքների իրականացման ընթացքում նախատեսվում է իրականացնել շրջակա միջավայրի վրա բացասական ազդեցության կանխարգելման/մեղմացման ուղված հետևյալ մշտադիտարկումները.

- արտանետումների որակական և քանակական պարամետրերի պարբերական չափումներ, ամիսը մեկ անգամ հաճախականությամբ:

- Փոշենստեցման նպատակով տարածքի ջրցանում տարվա շոգ և չոր եղանակներին՝ օրական 2-3 անգամ:

- Օգտագործված մեքենայական յուղերով ու քսայուղերով հողերի հնարավոր աղտոտումից խուսափելու նպատակով՝ հողերի աղտոտվածության մշտադիտարկումներ, երեք ամիսը մեկ հաճախականությամբ:

- Աղմուկի և թրթռումների մշտադիտարկումներ՝ երեք ամիսը մեկ հաճախականությամբ:

- Կանաչապատման աշխատանքներ իրականացնող կազմակերպությունը պետք է հետևողական լինի տնկված ծառերի աճի, կաջողականության և խնամքի համար:

Մշտադիտարկման և բնապահպանական միջոցառումների համար նախատեսվում է ամբողջ շինարարության ընթացքում հատկացնել 1960000 դրամ:

Պատճառաբանական մաս. Օրենսդրությամբ սահմանված կարգով, բազմաբնակարան բնակելի շենքի կառուցման վերաբերյալ իրականացվել են հանրային քննարկումներ Երևան քաղաքի Նոր-Նորք վարչական շրջանում, որոնց ընթացքում տեղական ինքնակառավարման մարմիններն ու հանրությունը հավանություն են տվել նախատեսվող գործունեության իրականացմանը: Փորձաքննական գործընթացին մասնակցել են շրջակա միջավայրի նախարարության ստորաբաժանումները, Երևանի քաղաքապետարանը, ինչպես նաև առողջապահության, արտակարգ իրավիճակների, կրթության, գիտության, մշակույթի և սպորտի նախարարությունները, քաղաքաշինության կոմիտեն և կադաստրի կոմիտեն: Ծրագրի իրականացման արդյունքում շրջակա միջավայրի վրա հնարավոր բացասական ազդեցությունները հիմնականում պայմանավորված կլինեն շինարարական աշխատանքների իրականացմամբ, որոնք կկրեն ժամանակավոր բնույթ և ազդեցությունները կլինեն թույլատրելի նորմայի սահմաններում:

Փորձաքննական պահանջներ

- Կառուցապատման աշխատանքների իրականացման ընթացքում անհրաժեշտ է խստագույնս հետևել նախնական գնահատման հայտում ամրագրված բնապահպանական պահանջների և միջոցառումների իրականացմանը, իսկ դրանց չբավարարման դեպքում ներառել լրացուցիչ միջոցառումներ՝ պարտադիր պահպանելով բնապահպանական նորմերը:

- Անհրաժեշտ է հայտում նշված հողամասի առնվազն 40%-ն ապահովել որպես կանաչապատման տարածք:



- Կառուցապատման հետագա գործառույթներն իրականացնել ՀՀ օրենսդրության և նորմատիվատեխնիկական փաստաթղթերի համաձայն՝ պահպանելով շինհրապարակի աշխատանքային անվտանգության կանոնները, բանվորների արտահագուստի և հիգիենայի պահանջները:
- Շինարարական աշխատանքների ընթացքում առաջացող թափոնների կուտակումն ու հեռացումն անհրաժեշտ է իրականացնել ՀՀ օրենսդրությամբ սահմանված կարգով՝ համայնքապետարանի հետ համաձայնեցված:
- Բետոնի տեղափոխումն իրականացնել հայտում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը:

- Համաձայն ՀՀ կառավարության 2002 թվականի ապրիլի 20-ի N438 որոշման 43-րդ կետի՝ աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից անհրաժեշտ է դադարեցնել աշխատանքները և դրա մասին անհապաղ հայտնել լիազորված մարմին:

Փոխադրամիջոցների և շինարարական մեքենաների տեխնիկական սպասարկումն ու լիցքավորումն անհրաժեշտ է իրականացնել շինհրապարակից դուրս մասնագիտացված կետերում: Տարածքում քայլուղեր և վառելանյութ չպահեստավորել:

-Կառուցապատման աշխատանքների ժամանակ՝ ՀՀ Օրենսդրությամբ սահմանված կարգով պահպանել արտանետվող փոշու և առաջացող աղմուկի ու թրթռումների թույլատրելի մակարդակը:

ԵԶՐԱՓԱԿԻՉ ՄԱՍ

«Արմ կոնստրակտ» ՍՊ ընկերության կողմից ներկայացված Երևան Երևան քաղաքի Դավիթ Բեկ 290 հասցեում նախատեսվող բազմաբնակարան բնակելի շենքի կառուցման շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջին կարգի մասնագետ՝



Գ. Մինասյան